

Enformaziuns y Comunicaziuns

Cor dai Mituns: Por che la Pröma Santa Comegnun y la festa dla Oma pói ince eniann endò garaté, da gní a cianté y abelí cöstes festes oressun dër bel s'envié. Les proes vën tignides te scora de musiga d'Al Plan, chisc dis: les sabedes ai 2, 9 y 16 d'aurí ales 10:30, le vëndres ai 29 d'aurí ales 15:00, le vëndres ai 6 de ma ales 15:00 (proa generala te dlíjia) y la domègna ai 8 de ma - de dla Pröma Comegnun.

Pelegrinaje: En sabeda ai 16 d'aurí él le pelegrinaje dles ères da Tlùses sò en Jènn. Al vën organisé en bus dla Val Badia demez co condüj a Tlùses. Da jí sò vègnel fat les Staziuns y meditaziun sòn le tema dla misericordia; lassö Liturgia dla Parora. Por prenotaziuns y orar dal bus cherdé sò Maria al 0471/839642 anter i 14 d'aurí.

Curs de formaziun sòn la fede "La löm dla vita": Pó la fede donté la löm por iluminé nosta esistènza y nosta vita? Padre Giuseppe acompagnèia söle tru de nosta fede y se mostra la belèza dal Vagnele de Gejú, co pó trasformé la vita y la fá gní plü bela, ligra y lominosa. L'encuntada mèt man le vëndres ai 29 d'aurí dales 9:00 ales 12:00 y dales 14:00 ales 18:00 cun la Santa Mëssa, y vá ennant la sabeda danmisdé dales 9:00 ales 12:00 - sò La Ila. Enformaziuns y iscriziuns pa Ingrid al numer 331/8565697.

KVW Senioreclub: En dedolönesc ai 12 d'aurí, ales 3 domisdé, röel alerch te salff dles manifestaziuns l'espert de erbes de medejina Gottfried Hochgruber da San Laronz, co tignará en referat sòn les erbes de medejina. Düc é bel enviés da gní, ince nia seniorenen.

Referat: Le Sorvisc ai Jogn, en colaboraziun con le Consèi de Formaziun de Badia y le Raiun Sozial, envièia a en referat sòn sostanzes psicoatives (droghes), en jöbia ai 7 d'aurí ales 19:30, tal zënter dla jonèza y dla cultura Saj.Un sò La Ila (Ciasa dla Cultura). Tres i referènc de "La Strada" ciafarán enformaziuns d'öga te cösc ciamp.

Curs/1: En jöbia ai 7 d'aurí mèt endò man le curs de bal dal onter (Bauchtanz). Le curs vën tigní vigne jöbia dales 19:30 ales 21:00 por 8 iadi, cina ai 26 de ma. Le cost é de 90,00€. Chères co è enteressades, é periades da s'anunzié al 340/6217436 (Silvia).

Curs/2: Dai 4 d'aurí ai 8 de jügn vègnel tigní en curs de zumba, vigne lönesc y dedemesaledema dales 17:00 ales 18:00 (an pó ince ma tó pert önn en iade al'edema). Dai 4 d'aurí ai 6 de jügn vègnel ince tigní en curs de body-pump, dales 20:00 ales 21:00. Entrami i cursc é te palestra d'Al Plan. Enformaziuns pa Manuela al 338/4753442.

Curs/3: Le Consèi de Formaziun da Corvara organisèia en curs de ruscio por prinzi-pienc. Al mèt man en dedolönesc ai 12 d'aurí y vá ennant vigne dedolönesc, por endöt 10 iadi. Al vën tigní dales 20:00 ales 21:30, tal picio salff dla ciasa dles uniuns sò Colfosch. Referènt é Christoph Taibon, co tol ince sò prenotaziuns al 333/6679760.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastorala.org**



Plata dla Ploania Al Plan de Mareo San Vighile

Ploan: **Signor Heinrich Perathoner**
E-Mail: **ploaniaalplan@gmail.com**

Calogna Al Plan: **0474 501006**
Radio de Ploania: **93,00 MhZ**

UNITÉ PASTORALA



VAL BADIA
www.unitepastorala.org

Ann C

03.04.2016 - 2a Domègna de Pasca - Domègna Blancia

nr. 19

Mio Signur y mio Dio!




Dal Vagnele do San Jan 20, 19 - 31

²⁴Tomesc, nominé Didimus (jomelin), önn dai dodesc, n'ea nia pa d'èi, canche Gejú ea gnü. ²⁵I atri discepu ti á spo dit: I án odü le Signur. Al ti á rospognü: Sc'i ne vèighi nia les ferides dai agüs te söes mans y sc'i ne pó nia mèter mio dèit tal büsc dai agüs y mia man te so piet, ne crèii nia. ²⁶Otedé dedò ea sü discepu endò abinés adöm, y Tomesc ea lapró. Danló é gnü Gejú - les portes ea slütes pro - é jü amesa èi ete y á dit: Pêsc a os! ²⁷Spo ti ál dit a Tomesc: Tin ca to dèit - atló é mies mans! Tin ca töa man y mètela te mio piet, y no ester descherdönt, mo cherdönt! ²⁸Tomesc ti á rospognü: Mio Signur y mi Dio. ²⁹Gejú ti á dit: Deache te m'as odü, crèieste. Beac é chi co ne vèiga nia y crèi empó. ³⁰Ciamó trec d'atri sègns, co n'é nia scric sò te cösc liber, él sté Gejú co á fat dan dai edli de sü discepu. ³¹Mo chisc é gnüs scric sò ch'i cherdèise che Crist é le Messia, le Fi de Dio, y ch'i èise, tres la fede, la vita te so ennom. **Parora dal Signur. - Lalt a te, Gejú Crist!**

Tomesc, önn co ó la sèi plü avisa!

A me mo plejel cösc Tomesc, chël co stonta da crèie - desch'al pò. Ara mo paronta ince en pü' canche al vën motü fora tles pordiches desco chël chël co ne crèii nia, chël co dubitèia.

Deperpo é Tomesc na porsona desco trec de nos, co stonta da s'imaginé la resoreziun. Canche i discepu ti á cunté che le Signur ea gnü amesa èi ete, s'ál magari emponsé: "Chisc é pö gnüs mac. Por che i ti la crèii, mëssi bèn l'odèi con mi edli." Tomesc ó le sèi plü avisa. Al n'ó nia ma le capí tal ce o le tó sò te so cör. Al ó odèi de porsona so gran compagn y Signur Gejú. Y canche cösc sozed, dijel con gran morvèia: "Mio Signur y Mio Dio". Tomesc se somèia a nos deplü co ci che i minun. Magari él de cösc vers propio nosc "jomelin", desche so ennom dij. Ince nos dubitun, oressun plü ienn brancé ete, por ester bogn plü saorí da crèie. (da Christine Rod MC)



Domègna: 03.04.2016.: Dominica Blanca – dla Misericordia

Oferta por i bojùgns dla Ploania

8.30: S.M. a La Pli

9.30: Corona dla Misericordia

10.00: S.M. por dōta la Comunità

N.B.: Da sera degūna S.M.



Lòn. 04.04.: Festa dla Annunziasiun a Santa Maria

7.20: S.M. en onù de Santa Maria

S.M. por +nc' Flüchtlinge morc' tal mêt

S.M. aniv. por +nta Anna Ploner ved. Campej

S.M. por vîs y +nc' de Maria Complojer da Runcac'

S.M. por +nc' Francesca y Gilberto Roch

Dédol. 05.04.: Feria dla 2. Edema dô Pasca: S.Vinzenz Ferrer

19.30: Corona de int. por

Dédem.06.04 Feria dla 2. Edema dô Pasca: S.Wilhelm, S.Petrus

18.00: S.M. de reng. dla la vita por Erwin y Johanna Kosta

S.M. por vîs y +nc' de Albina Moling, Spessa

S.M. aniv. por +nta Maria Kosta

S.M. por +nt Hermann Trebo dal Schneider

Jöbia 07.04.: Memoria de San Jan Batista da La Sale

10.00: Bato de Davi Louíz

Vèndr.08.04.: Feria dla 2. Edema dô Pasca: S.Walter, Sa.Beata

7.10: S.M. por i scolari

S.M. de reng. por Fam. Rungger Fighile y Cecilia

S.M. aniv. por +nt Hans Leimegger, Hotel Condor

S.M. por Fam. Erlacher Alexander y Cristina

S.M. por +nc' dla Fam. Pisching de Candido

15.00: S.M. por les Püres Animes plü arbandonades

Ora de Oraziun

Sab.09.04.: Sancta Maria in sabato: Sa.Waltraud, Sa.Kasilda

17.00: Poscibilitè da se pissié

18.00: S.M. por +nta Patrizia Rungger de Berto

S.M. por +nc' Ellecosta Alexander y Hochwieser Edelberta

S.M. por +nc' Feichter Josef, Maria y Milio

S.M. aniv. por +nt Tone Ties dal Nora

S.M. aniv. por +nta Erlacher Angela, Corcela

Domègna 10.04: III. Domègna de Pasca: S.Engelbert

Oferta por i bojùgns dla Ploania

8.30: S.M. a La Pli

9.30: Funziun dal temp de Pasca

10.00: S.M. por dōta la Ploania



La comunitè d'Al Plan ti aoda
dõt le bun, sanité y benedisciun ai geniturs
Fernando Possamai y Sonia Del Fabbro
por le Bato de picio **DAVÌ LUIZ.**

Le temp da Pasca é en temp de müdamont.

La vita nea dla Ressorenziun ô trasformé dõt le vedl te nos,
desco l'aisciöda endespra la natöra morta y la renovèia.
(Anselm Grün)

Chël che conësc Pasca, ne desperèia nia.
(Dietrich Bonhöffer)

**BUCHSTABENSALAT:
PASSIONSGESCHICHTE**

Deike

In dem Rätsel sind 24 Begriffe zur Passionsgeschichte versteckt. Die Begriffe sind zum Teil sehr speziell, zum Teil auch allgemeinerer Natur.

Und so geht es:

Sie finden diese, indem Sie die Buchstaben von links oder von rechts, von oben, von unten oder auch diagonal durchsuchen. Die Wörter können sich überschneiden. Nicht alle Buchstaben des Gitters werden verwendet.

G	R	E	B	L	E	O	R	E	B	U	E	A	R	F	G	L
G	Q	C	H	E	R	O	D	E	S	V	P	P	Y	N	Y	
I	N	R	I	C	H	J	E	R	U	S	A	L	E	M	A	R
S	U	L	E	O	E	K	M	A	R	S	N	J	X	A	H	J
S	G	S	S	M	S	H	T	I	S	P	G	Q	K	R	R	L
E	I	U	A	H	E	E	O	A	S	S	E	J	G	I	O	N
D	Z	R	D	F	I	O	L	M	A	S	L	S	U	A	V	B
C	U	T	U	P	O	A	R	M	O	N	I	N	S	D	F	L
R	E	E	J	N	M	L	O	C	I	G	E	O	Q	A	E	S
A	R	P	Q	M	G	H	T	B	R	N	N	D	N	F	C	N
S	K	U	G	E	T	H	S	E	M	A	N	E	B	D	U	H
T	T	E	M	P	E	L	K	A	R	F	R	E	I	T	A	G

Aufgung zu Buchstabenratel „Passionsgeschichte“: ESSIG, EVANGELIEN, FOLTER, GETHSEMANE, HERODES, ECCE-HOMO, INRI, JERUSALEM, JUDAS, JUDEN, KÄRRETTAG, KREUZIGUNG, MARIA, MISSION, OELBERG, PASSALAMM, PESSACH, PETRUS, PIETA, RAUBER, ROEMER, TEMPEL, THOMAS, VORHANG

Sorvisc dai Ministrón

Lönesc 04/04 (7:20h), Dédemesaledema 06/04 (18:00h), Vèndres 08/04 (07:10h) : Elena Obojes, Thomas Palfrader;

Sabeda 09/04 (18:00h): Giada Regis, Hannes y Lara Ploner, Nathan Migliorati, Roman y Tomas Oberlechner;

Domègna 10/04 (10:00h): Maria y Matteo Huber, Fabian y Matthias Kaneider, Mara Rungger, Andrè Castlunger;

